

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ԶԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ

№ ՇՄՆ-ԴՇ-25/05

ք.Երևան

«22» «01» 2025թ.

Շրջակա միջավայրի նախարարությունը, ի դեմս գլխավոր քարտուղար Ս.Աթանեսյանի (այսուհետ՝ Պետական մարմին), որը գործում է Պետական մարմնի կանոնադրության հիման վրա, մի կողմից, և «Արգելոցապարկային համալիր» պետական ոչ առևտրային կազմակերպությունը, ի դեմս տնօրենի պ/կ Լ.Տեր-Սիմոնյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2024 թվականի դեկտեմբերի 27-ի «Հայաստանի Հանրապետության 2024 թվականի պետական բյուջեի կատարումն ապահովող միջոցառումների մասին» №2060-Ն որոշումը (այսուհետ՝ Որոշում), «Արգելոցապարկային համալիր» բնության հատուկ պահպանվող տարածքների կառավարում» ծրագրային միջոցառման՝ բաժին 05, խումբ 04, դաս 01, ծրագիր 1155, միջոցառում 11006 (այսուհետ՝ Ծրագիր), իրականացման նպատակով կնքեցին սույն պայմանագիրը (այսուհետ՝ Պայմանագիր) հետևյալի մասին.

**1. Պայմանագրի առարկան**

- 1.1. Պայմանագրով Պետական մարմինը պարտավորվում է Ծրագրի իրականացման նպատակով Կազմակերպությանը հատկացնել Որոշմամբ նախատեսված՝ մինչև 115 799 700 (հարյուր տասնհինգ միլիոն յոթ հարյուր իննսուներկու հազար յոթ հարյուր) ՀՀ դրամ գումարը, իսկ Կազմակերպությունը պարտավորվում է Ծրագիրն իրականացնել Որոշմամբ և Պայմանագրով սահմանված կարգով:
- 1.2. Ծրագրով նախատեսված Կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են Պայմանագրի Հավելված №1-ում:

**2. Կողմերի իրավունքները և պարտավորությունները**

- 2.1. **Պետական մարմինն իրավունք ունի՝**
  - 2.1.1. Ցանկացած ժամանակ (այդ թվում՝ լիազոր մարմնի միջոցով) ստուգելու Կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.
  - 2.1.2. Որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատուց վերացման ողջամիտ ժամկետ, և Կազմակերպությունից պահանջելու վճարել Պայմանագրի 5.2 կետով նախատեսված տուգանքը.
  - 2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու Պայմանագիրը և պահանջելու հատուցել պատճառված վնասները, եթե՝
    - ա) Կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,
    - բ) Կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),
    - գ) իրականացված միջոցառումները չեն համապատասխանում ծրագրով սահմանված պահանջներին.
  - 2.1.4. Պայմանագիրն օրենքով կամ Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:
- 2.2. **Կազմակերպությունն իրավունք ունի՝**
  - 2.2.1. իրականացված միջոցառման արդյունքը Պետական մարմնի կողմից ընդունվելու դեպքում պահանջելու վճարել իրեն հասանելիք գումարը.
  - 2.2.2. Պետական մարմնի կողմից գումարները չվճարվելու դեպքում միակողմանի լուծելու Պայմանագիրը և պահանջելու հատուցել իրեն պատճառված վնասները:
- 2.3. **Պետական մարմինը պարտավոր է՝**
  - 2.3.1. ծրագրով նախատեսված դեպքերում աջակցել Կազմակերպությանը.
  - 2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.
  - 2.3.3. իրականացնել ծրագրով նախատեսված այլ աշխատանքներ.
  - 2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 10 (տասը) աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և Պայմանագրի պահանջներին, ապա դրանք ընդունվում են: Ընդ որում, Պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է Կազմակերպությանը:
- 2.4. **Կազմակերպությունը պարտավոր է՝**
  - 2.4.1. իրականացնել ծրագրի շրջանակներում Պետական մարմնի կողմից տրամադրված գումարների հաշվառումը հաշվապահական հաշվառման վարման Հայաստանի Հանրապետության օրենսդրությանը համապատասխան.
  - 2.4.2. Պայմանագրով նախատեսված ֆինանսական միջոցներն օգտագործել ծրագրով և (կամ) Պայմանագրով սահմանված նպատակներով ու չափաքանակներով.
  - 2.4.3. կատարել Պետական մարմնի կողմից բացահայտված թերությունների վերացման նպատակով տրված ցուցումները.



- 2.4.4. Պետական մարմինն ներկայացնել միջոցառումների իրականացման մասին աճողական հաշվետվություններ հաշվետու եռամսյակին հաջորդող ամսվա մինչև 5-ը, իսկ 4-րդ եռամսյակինը՝ մինչև դեկտեմբերի 15-ը, իսկ ծրագրի ավարտից հետո՝ 20-օրյա ժամկետում ամփոփ հաշվետվություն.
- 2.4.5. Պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու Պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.
- 2.4.6. Պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում Կազմակերպությունը պարտավորվում է անվճար՝ Պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները.
- 2.4.7. Ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

### 3. Մոնիթորինգը, Պայմանագրի արդյունքների հանձնման և ընդունման կարգը

- 3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:
- 3.2. Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից:
- 3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ, և կատարվում են առաջարկություններ:
- 3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:
- 3.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:
- 3.6. Պայմանագրի արդյունքն ընդունվում է Պետական մարմնի և Կազմակերպության միջև երկկողմ ստորագրված և հաստատված փաստաթղթով՝ հանձնման-ընդունման արձանագրությամբ (Հավելված N°3), նշելով փաստաթղթի կազմման ամսաթիվը:

Պայմանագրի 2.4.4 կետով նախատեսված ժամկետում Կազմակերպությունը իրականացված միջոցառումների հաշվետվության հետ Պետական մարմնին է տրամադրում իր կողմից ստորագրված՝ հանձնման-ընդունման արձանագրության երկու օրինակ:

- 3.7. Հանձնման-ընդունման արձանագրությունը Պետական մարմնի կողմից ստորագրվում է, եթե Պայմանագրի արդյունքը համապատասխանում է Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և հաստատվում: Նման դեպքում Պետական մարմինը՝

- ա) հարցի կարգավորման համար ձեռնարկում է նման իրավիճակի համար Պայմանագրով նախատեսված միջոցները.
- բ) Կազմակերպության նկատմամբ կիրառում է Պայմանագրով նախատեսված պատասխանատվության միջոցներ:
- 3.8. Պետական մարմինը հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 10 (տասը) աշխատանքային օրվա ընթացքում Կազմակերպությանն է ներկայացնում իր կողմից ստորագրված և հաստատված հանձնման-ընդունման արձանագրության մեկ օրինակը կամ Պայմանագրի արդյունքները չընդունելու պատճառաբանված մերժումը:
- 3.9. Եթե Պայմանագրի 3.8 կետով սահմանված ժամկետում Պետական մարմինը չի ընդունում Պայմանագրի արդյունքը կամ չի մերժում դրա ընդունումը, ապա Պայմանագրի արդյունքը համարվում է ընդունված և Պայմանագրի 3.8 կետով սահմանված վերջնաժամկետին հաջորդող աշխատանքային օրը Պետական մարմինը Կազմակերպությանն է տրամադրում իր կողմից ստորագրված և հաստատված հանձնման-ընդունման արձանագրությունը:

### 4. Վճարման կարգը և ժամկետները

- 4.1. Պայմանագրի Հավելված N°2-ով հաստատված, տվյալ եռամսյակին բաժին ընկնող գումարը յուրաքանչյուր ամսվա առաջին 10 (տասը) աշխատանքային օրվա ընթացքում, հավասար մասնաբաժիններով Պետական մարմինը փոխանցում է Կազմակերպության բանկային հաշվին՝ որպես տվյալ եռամսյակի կանխավճար:
- 4.2. Եթե Կազմակերպությունը տվյալ եռամսյակի համար նախատեսված միջոցառումները՝

- ա) իրականացրել է ամբողջությամբ և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով սահմանված կարգով.
- բ) ամբողջությամբ չի իրականացրել, ապա կիրառվում է Պայմանագրի 2.1.2 և (կամ) 2.4.6 կետերով սահմանված պայմանները և իրականացված միջոցառումների արժեքի չափով Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, իսկ հաջորդ կանխավճարը վճարվում է չիրականացված միջոցառման չափով պակաս և Պայմանագրի 4.1 կետով սահմանված կարգով.
- գ) իրականացրել է նախատեսվածից ավելի և Պետական մարմնի կողմից իրականացված միջոցառումների մասին հաշվետվությունն ընդունվել է, ապա Կազմակերպությանը փոխանցված կանխավճարը մարվում է՝ համարվելով որպես պատշաճ իրականացված ծրագրի համար հատկացում, և վճարվում է հաջորդ կանխավճարը՝ Պայմանագրի 4.1 կետով



սահմանված կարգով, իսկ ավել իրականացված միջոցառման չափով վճարումն իրականացվում է մինչև 2025 թվականի դեկտեմբերի 20-ը, սակայն ոչ ավելի Պայմանագրի 1.1 կետով սահմանված գումարից:

4.3. Պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո՝ Կազմակերպությունը միջոցառումների իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2026 թվականի հունվարի 24-ը:

## 5. Կողմերի պատասխանատվությունը

- 5.1. Կազմակերպությունը պատասխանատվություն է կրում Պայմանագրով նախատեսված միջոցառումների իրականացման և Պայմանագրի պահանջների պահպանման համար:
- 5.2. Պայմանագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է ստացված ֆինանսական աջակցության գումարները չիրականացված միջոցառման չափով վերադարձնել Պետական մարմնին և վճարել տուգանք՝ պայմանագրի ընդհանուր գնի 0,5 (զրո ամբողջ հինգ տասնորդական) տոկոսի չափով: Ընդ որում, տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Տուգանքը հաշվարկվում է նաև Պայմանագրով նախատեսված միջոցառումները սահմանված ժամկետում իրականացնելու, սակայն Պետական մարմնի կողմից չընդունվելու դեպքում:
- 5.3. Պայմանագրով նախատեսված իրականացման ենթակա միջոցառումների ժամկետը խախտելու, ինչպես նաև Պայմանագրի 2.4.4 կետով նախատեսված հաշվետվությունները սահմանված ժամկետներում չներկայացնելու դեպքերում յուրաքանչյուր ուշացված օրվա համար Կազմակերպությունից գանձվում է տույժ՝ իրականացման ենթակա, սակայն չիրականացված միջոցառման գնի 0,05 (զրո ամբողջ հինգ հարյուրերորդական) տոկոսի չափով:
- 5.4. Պետական մարմինը Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցում է Կազմակերպությանը վճարման ենթակա գումարներից:
- 5.5. Պետական մարմնի կողմից Պայմանագրի 4.1 կետով նախատեսված ժամկետի խախտման դեպքում Պետական մարմնի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:
- 5.6. Պայմանագրով նախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:
- 5.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. Պայմանագրի գործողության ժամկետը

- 6.1. Պայմանագրի պայմանները տարածվում են 2025 թվականի հունվարի 3-ից կողմերի միջև ծագած հարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

## 7. Անհաղթահարելի ուժի ազդեցությունը (ՖՈՐՍ-ՄԱԺՈՐ)

- 7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և, որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

## 8. Եզրափակիչ դրույթներ

- 8.1. Հայաստանի Հանրապետության 2025 թվականի պետական բյուջեով հաստատված արդյունքային (կատարողական) ցուցանիշների եռամսյակային (աճողական) համամասնությունները (Հավելված №2) հանդիսանում է Պայմանագրի անբաժանելի մասը:
- 8.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:
- 8.3. Եթե տրամադրվող դրամաշնորհով նախատեսված ծրագիրը և միջոցառումները ենթակա չեն ավելացված արժեքի հարկով հարկման կամ ենթակա են հարկման պետական բյուջեից ավելացված հարկի վճարման համար տրամադրվող գումարի դիմաց ավելի փոքր գումարի չափով, ապա նշված հարկի վճարման համար նախատեսված հատկացումների գծով չօգտագործված գումարները 2025 թվականի ընթացքում ենթակա են վերադարձման Հայաստանի Հանրապետության պետական բյուջե:
- 8.4. Կազմակերպությունը մինչև 2026 թվականի հունվարի 31-ը Պետական մարմնին են ներկայացնում տեղեկատվություն 2025 թվականի պետական բյուջեի միջոցների հաշվին ստացված դրամաշնորհի շրջանակներում հաշվարկված և

պետական բյուջե վճարված ԱԱՀ գումարների, ինչպես նաև «Հայաստանի Հանրապետության 2025 թվականի պետական բյուջե մասին» օրենքի 7-րդ հոդվածի 23-րդ մասի պահանջներին համապատասխան չօգտագործված և ՀՀ պետական բյուջե վերադարձված գումարների վերաբերյալ:

- 8.5. Պայմանագիրը կազմված է 4 (չորս) էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկ օրինակ: Պայմանագրի Հավելվածներ NՊՁ1-ը, 2-ը և 3-ը համարվում են Պայմանագրի անբաժանելի մասը:
- 8.6. Պայմանագրով նախատեսված պարտավորությունների չկատարման հետ կապված, ինչպես նաև Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 9. Կողմերի հասցեները, բանկային վավերապայմանները և ստորագրությունները

#### ՊԵՏԱԿԱՆ ՄԱՐՄԻՆ

Շրջակա միջավայրի նախարարություն

ք.Երևան, Կառավարական տուն 3

ՖՆ գործառնական վարչություն

ՀՀ 900011007805

ՀՎՀՀ 02507198

Շրջակա միջավայրի նախարարության

գլխավոր քարտուղար

**Ս.Աթանեսյան**

(ստորագրություն)

**Կ.Տ.**



#### ԿԱԶՄԱԿԵՐՊՈՒԹՅՈՒՆ

«Արգելոցապարկային համալիր» ՊՈԱԿ

Կոտայքի մարզ, գ.Ջրվեժ

ՖՆ գործառնական վարչություն

ՀՀ 900018002965

ՀՎՀՀ 00804807

«Արգելոցապարկային համալիր» ՊՈԱԿ-ի

տնօրենի պ/կ

**Լ.Տեր-Սիմոնյան**

(ստորագրություն)

**Կ.Տ.**



*(Handwritten signatures)*

**ՊԵՏԱԿԱՆ ՄԱՐՄԻՆ**

Շրջակա միջավայրի նախարարության  
 գլխավոր քարտուղար

**Ս.Աբանեյան**

*(Signature)*

(ստորագրություն)

Կ.Տ.

**ԿԱԶՄԱԿԵՐՊՈՒԹՅՈՒՆ**

«Արգելոցապարկային համալիր» ՊՈԱԿ-ի  
 տնօրենի ա/կ

**L.Տեր-Սիմոնյան**


*(Signature)*

(ստորագրություն)

Կ.Տ.

**ՄԻՋՈՑԱՌՈՒՄՆԵՐ**

| h/h | անվանումը   | Համառոտ բովանդակությունը   | Իրականացվելիք միջոցառման նկարագիրը  | Անկախ վերաբերյալ արդյունքները և դրանց գնահատման չափանիշները  | Վերջնա-ժամկետը | Պահանջվող գումարը (դրամ) |
|-----|---|--|---|--|----------------|--------------------------|
| 1.  | «Արգելոցապարկային համալիր» ՊՈԱԿ-ի կատարում  | «Արգելոցապարկային համալիր» ՊՈԱԿ-ի ենթակառուցվածքի գործող տարածքներ (23598.62 հա)   | «Արգելոցապարկային համալիր» ՊՈԱԿ-ի ենթակառուցվածքի կազմակերպում  | Մոնիթորինգի և խնամքի համար իրականացվող միջոցառումներ   | 30.12.2025թ.   | 91 643 400               |
| 2.  | Արգելոցապարկային համալիր» ՊՈԱԿ-ի ենթակառուցվածքի գործող տարածքներում գիտահետազոտական, գիտաարտատրական, էկոլոգիական և հասարակության իրազեկման մակարդակի բարձրացման ուղղված միջոցառումներ: | 1. Գիտաարտատրական պրակտիկաների կազմակերպում<br>2. Բնակչության շրջանում էկոլոգիական իրազեկություն և էկոլոգիական գիտելիքներ: 3. Ռեկրեացիայի կամ հանգստի կազմակերպման ուղղված միջոցառումներ: 4. Էկոլոգոսաշրջության զարգացման ուղղված միջոցառումներ: | Գիտաարտատրական պրակտիկաների կազմակերպում ԲՈՒՀ-երի և ուսումնական հաստատությունների պայմանագրերի կնքում և «Արգելոցապարկային համալիր» ՊՈԱԿ-ի ենթակառուցվածքի գործող տարածքներում ուսանողների պրակտիկաների կազմակերպում: Բնակչության շրջանում էկոլոգիական իրազեկություն և էկոլոգիական գիտելիքներ: Այցելումների համար բնության գրկում հանգստի կազմակերպման ուղղված միջոցառումներ: «Արգելոցապարկային համալիր» ՊՈԱԿ-ի ենթակառուցվածքի գործող տարածքներում էկոլոգոսաշրջության կազմակերպում, նոր երթուղիների նախագծում: Գործող երթուղիներում և արահետներում առկա խնամքի վերահսկում, երթուղիների վիճակի բարելավում և անհրաժեշտության դեպքում կառավարում: Հանգստի ձևերի մոնիթորինգ և տվյալների շարունակական թարմացում: | Պաշտպանված և խնամված էկոհամակարգեր<br>Գիտաարտատրական պրակտիկա անցած ուսանողներ:<br>Իրականացված էկոլոգիական դասընթաց-սեմինարներ և իրազեկման արշավներ:<br>Հանգստի կազմակերպում, էկոլոգոսաշրջության կազմակերպում:<br>Էկոլոգոսաշրջության կազմակերպում և ծառայությունների մակարդակի բարելավված պայմաններում, այցելուների թվի ավելացում: | 30.12.2025թ.   | 4 022 700                |



|    |   |  |   |   |              |             |
|----|---|--|---|---|--------------|-------------|
|    |   | 5. Հասարակության լայն մասսաների հրազելվածության միջոցառումներ:   | Սոցցանցերում, լրատվական կայքերում տեղեկատվության «Արգելոցապարկային համայնք» ՊՈԱԿ-ի տարածքների կարևորության և կատարվող աշխատանքների մասին:   | Սոցցանցերի, լրատվական կայքերի «Արգելոցապարկային համայնք» ՊՈԱԿ-ի տարածքների մասին տեղեկատվության տրամադրում: | 30.12.2025թ. | 1 838 400   |
| 3. | «Էրբերուի» պետական արգելոցում և հարակից տարածքներում, ՀՀ կարմիր գրքում գրանցված տեսակների ուսումնասիրություն, մոնիթորինգի իրականացում   | Գիտական ուսումնասիրություններ և մոնիթորինգի իրականացում:   | Դաշտային ուսումնասիրություններ, վայրի ցորենի տեսակների և ՀՀ կարմիր գրքում գրանցված տեսակների աճի և զարգացման վիճակի գնահատում արգելոցի և հարակից տարածքներում:<br>Տեղի ունեցող բնական երևույթների ազդեցությունների գնահատում: | Ուսումնասիրության արդյունքների տվյալների առկայություն:  | 30.12.2025թ. | 2 073 600   |
| 4. | «Որդան Կարմիր» պետական արգելավայրի ֆլորայի և ֆաունայի ուսումնասիրության:  | Ֆլորայի և ֆաունայի ուսումնասիրություն, Որդան կարմիր միջատի հաշվառում և մոնիթորինգ, վիճակի գնահատում:   | Դաշտային ուսումնասիրություններ արգելավայրի տարածքում, միջատի հաշվառում, վիճակի գնահատում:   | Լրանշակված Որդան կարմիր թարմացված տվյալների առկայություն:   | 30.12.2025թ. | 1 296 000   |
| 5. | «Ջերմուկի ջրաբանական» և «Հանքավանի ջրաբանական» պետական արգելավայրերի ֆլորայի և ֆաունայի ուսումնասիրությունների իրականացում ջրհավաք ավազանի վիճակի գնահատում   | Ֆլորայի ուսումնասիրությունների իրականացում:  | Դասական մեթոդներով բուսական և կենդանական աշխարհի ուսումնասիրություններ, ջրհավաք ավազանի վիճակի գնահատում:   | Գույքագրված առկայություն:   | 30.12.2025թ. | 13 024 800  |
| 6. | «Հիլատար» պետական արգելավայր  | Ֆլորայի և ֆաունայի ուսումնասիրությունների իրականացում<br>Սերմային վերականգնման ուսումնասիրություն ծառուտներում, վիճակի գնահատում:  | Դասական մեթոդներով բուսական և աշխարհի ուսումնասիրություններ:  | Գույքագրված առկայություն:   | 30.12.2025թ. | 1 900 800   |
| 7. | Դեմոկրոպարկերում՝ Ստեփանավանի «Սոճուտ», Վանաձորի «Ժ.Սարուխանյանի անվան», Իջևանի «Դեմոկրոպարկ», Բերդի «Սուրաններ» դեմոկրոպարկերում և «Ջրվեժ» անտառապարկում բնական ու ներմուծված ծառայփայտեսակների բազմազանության և ֆլորայի հետազոտում, տեսակային կազմի՝ տեղական և ներմուծված ծառայփայտեսակների համալրման միջոցառումներ և վիճակի գնահատում: | Դեմոկրոպարկերում և «Ջրվեժ» անտառապարկում դեմոկրոպարկի տեսակային կազմի ուսումնասիրություն, մոնիթորինգ և վիճակի գնահատում: Տարածքներում նոր ծառայփայտեսակների ներմուծում և կլիմայավարժեցում: | «Ջրվեժ» անտառապարկում և դեմոկրոպարկերում բնական միջավայրում մոնիթորինգի իրականացում և վիճակի գնահատում:   | Լրանշակված ցուցակների առկայություն:   | 30.12.2025թ. | 115 799 700 |

**ԸՆԴՀԱՄԵՆԸ**



**ՊԵՏԱԿԱՆ ՄԱՐՄԻՆ**

Շրջակա միջավայրի նախարարության  
 գլխավոր քարտուղար

**Ս.Ա.Թանեսյան**

*(Ստորագրություն)*  
 Կ.Տ.

**ԿԱԶՄԱԿԵՐՊՈՒԹՅՈՒՆ**

«Արգելոցապարկային համալիր» ՊՈԱԿ-ի  
 տնօրենի պ/կ

**Լ.Տեր-Սիմոնյան**

*(Ստորագրություն)*  
 Կ.Տ.

**ՀՀ 2025 թվականի պետական բյուջեով հաստատված արդյունքային (կատարողական) ցուցանիշների եռամսյակային (առողական) համամասնությունները**

| Ծրագրի դասիչը՝ | Միջոցառման դասիչը՝ | Միջոցառման անվանումը՝ | Նկարագրությունը՝   | Միջոցառման տեսակը՝ | Միջոցառումն իրականացնողի անվանումը՝ | Ցուցանիշներ      |                 |                 |                 |                  |  |
|----------------|--------------------|-----------------------|--|--------------------|-------------------------------------|------------------|-----------------|-----------------|-----------------|------------------|--|
|                |                    |                       |  |                    |                                     | Առաջին եռամսյակ* | Առաջին կիսամյակ | Ինն ամիս*       | Տարի            |                  |  |
|                | 1155               |                       |  |                    |                                     |                  |                 |                 |                 |                  |  |
|                | 11006              |                       |  |                    |                                     |                  |                 |                 |                 |                  |  |
|                |                    |                       | «Արգելոցապարկային համալիր» բնության հատուկ պահպանվող տարածքների կառավարում   |                    |                                     |                  |                 |                 |                 |                  |  |
|                |                    |                       | «Արգելոցապարկային համալիր» ԲՀՊ տարածքներում գիտական ուսումնասիրությունների և անտառատնտեսական աշխատանքների կատարում                       |                    |                                     |                  |                 |                 |                 |                  |  |
|                |                    |                       | Ծառայությունների մատուցում   |                    |                                     |                  |                 |                 |                 |                  |  |
|                |                    |                       | Մասնագիտացված կազմակերպություններ  |                    |                                     |                  |                 |                 |                 |                  |  |
|                |                    |                       | <b>Արդյունքի չափորոշիչներ</b>  |                    |                                     |                  |                 |                 |                 |                  |  |
|                |                    |                       | Գիտական ուսումնասիրությունների և հետազոտությունների վերաբերյալ հաշվետվությունների թիվը, հատ  |                    |                                     |                  | 2               |                 |                 | 4                |  |
|                |                    |                       | Տախտարության կայքում հրապարակված գիտական ուսումնասիրությունների և հետազոտությունների վերաբերյալ հաշվետվությունների թիվը, հատ             |                    |                                     |                  | 2               |                 |                 | 4                |  |
|                |                    |                       | Գիտամանաչողական, գիտատարրական պրակտիկաների, էկոլոգիական և հասարակության իրազեկման մակարդակի բարձրացմանն ուղղված միջոցառումների թիվը, հատ |                    |                                     |                  | 4               |                 |                 | 10               |  |
|                |                    |                       | Էկոլոգիական կրթությանն ու դաստիարակությանն ուղղված միջոցառումների թիվը, հատ  |                    |                                     |                  | 100             |                 |                 | 250              |  |
|                |                    |                       | Ռեկրեացիայի գարգացմանն ուղղված միջոցառումների թիվը, հատ  |                    |                                     |                  | 4               |                 |                 | 10               |  |
|                |                    |                       | Դրանաշնորհային պայմանագրով նախատեսված միջոցառումների կատարման մակարդակը, տոկոս   |                    |                                     |                  | 0               |                 |                 | 100              |  |
|                |                    |                       | Հավաիրդեհային միջոցառումներ, հատ   |                    |                                     |                  | 0               |                 |                 | 3                |  |
|                |                    |                       | Տնկարանային տնտեսության վարում, հա   |                    |                                     |                  | 2.6             |                 |                 | 2.6              |  |
|                |                    |                       | Տնկարանային տնտեսության տնկիների և սերմնաբուսականների կաշտակամությունը, տոկոս  |                    |                                     |                  | 0               |                 |                 | 70               |  |
|                |                    |                       | <b>Միջոցառման վրա կատարվող ծախսը (հազար դրամ)</b>  |                    |                                     |                  | <b>19 338.5</b> | <b>52 109.9</b> | <b>81 059.8</b> | <b>115 799.7</b> |  |

\* Առաջին եռամսյակի և 9 ամիսների հաշվետվություններում արդյունքային չափորոշիչների համար «Հաշվետու ժամանակահատվածի պլանային (ճշտված) և փաստացի ցուցանիշների տարբերությունը» պլանավորվել է լրացվում, իսկ «Տարբերության պատճառը» պլանավորվում են միայն այն ցուցանիշների բացատրությունները, որոնց գծով հաշվետու ժամանակահատվածում առաջացել են դիվերտացիաները հաշվետու ժամանակահատվածի համար հաստատված արդյունքային ցուցանիշների չկատարման կամ մասամբ կատարման գծով: Հաշվետու ժամանակահատվածի համար լրացվում է «Փաստացի ցուցանիշը հաշվետու ժամանակահատվածում» սյունակը:

Հավելված №3  
 «22» « 01 » 2025թ. կնքված  
 № ՇՄՆ-ԴՇ-25/05 պայմանագրի

**ՊԵՏԱԿԱՆ ՄԱՐՄԻՆ**

Շրջակա միջավայրի նախարարություն  
 Բ.Երևան, Կատակարական տուն 3  
 ՖՆ գործառնական վարչություն  
 ՀՀ 900011007805  
 ՀՎՀՀ 02507198

**ԿԱԶՄԱԿԵՐՊՈՒԹՅՈՒՆ**

«Արգելոցապարկային համալիր» ՊՈԱԿ  
 Կոտայքի մարզ, գ. Ջովեժ  
 ՖՆ գործառնական վարչություն  
 ՀՀ 900018002965  
 ՀՎՀՀ 00804807

**ԱՐՁԱՆԱԳՐՈՒԹՅՈՒՆ №  
 ՊԱՅՄԱՆԱԳՐԻ ԿԱՄ ԴԻՄ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ  
 ՀԱՆՁՆՄԱՆ-ԸՆԴՈՒՆՄԱՆ**

« \_\_\_\_\_ » « \_\_\_\_\_ » 2025թ.

Պայմանագրի /սյուսիետ՝ Պայմանագիր/ անվանումը՝ **Պետության կողմից դրամաշնորհի ձևով տրամադրվող ֆինանսական աջակցության գումարների  
 օգտագործման մասին պայմանագիր**

Պայմանագրի կնքման ամսաթիվը՝ « \_\_\_\_\_ » « \_\_\_\_\_ » 2025թ.

Պայմանագրի համարը՝ ՇՄՆ-ԴՇ-25/05

Պետական մարմինը՝ ի դեմս գլխավոր քարտուղար Ա.Աթանեսյանի և Կազմակերպությունը՝ ի դեմս «Արգելոցապարկային համալիր» ՊՈԱԿ-ի տնօրենի պ/կ Լ.Տեր-Սիմոնյանի, կազմեցին սույն արձանագրությունը հետևյալի մասին.

Պայմանագրի շրջանակներում Կազմակերպությունը « \_\_\_\_\_ » « \_\_\_\_\_ » 2025 թվականից մինչև « \_\_\_\_\_ » « \_\_\_\_\_ » 2025 թվականն ընկած ժամանակահատվածում իրականացրել է հետևյալ միջոցառումները.

| № | անվանումը | համառոտ բովանդակությունը | Իրականացված միջոցառման                               |                                       |                        |                        | Վճարման ենթակա գումարը (հազար դրամ) |
|---|-----------|--------------------------|--|---------------------------------------|------------------------|------------------------|-------------------------------------|
|   |           |                          | ակնկալվող արդյունքները և դրանց գնահատման չափանիշները | բանական կամ արդյունքային ցուցանիշները | ըստ պայմանագրի փաստացի | ըստ պայմանագրի փաստացի |                                     |
|   |           |                          |  |                                       |                        |                        |                                     |
|   |           |                          |  |                                       |                        |                        |                                     |
|   |           |                          |  |                                       |                        |                        |                                     |

ՀԱՆՁՆԵՑ

ստորագրություն  
 ազգանուն, անուն  
 Կ.Տ.

ԸՆԴՈՒՆԵՑ

ստորագրություն  
 ազգանուն, անուն  
 Կ.Տ.